

نورک پوری

نورک ادبیاقلری مرکزی هیئتی طرفندره نشر اولنور.

نومرو ۴

کانون ثانی ۱۳۴۱

جلد ۱

تاریخی تجمعات یاردیمی علمده

پایرولوژی

تاریخک یکی تتبع طرزلی - تاریخه یاردیمی علوم کیتدکجه تزايد ایدیور - پایرولوژی - (شامپولیون) ک یکی خلقلی - پایروس کاغذلرینک اعمال و تجارت طرزلی - عصری و علمی کفن صوبوجیلر - پایروسدن مرکب بر کتبخانه - پایروس اوزرینه هومرک ایلک یازلش (اودیسه) سی

عصرمزه هر علمک اولدینی کبی تاریخکده طرزتبعی پک چوق تبدلاه اوغراددی . باخصوص فرانسه علوم آقاده میسی اعضاسندن مشهور مورخ (قامیل ژولیان) ک (آلبر - سورهل) مکتبنی یکی بر مجرایه صوقق صورتیه وجوده کتیردیکی ، علمی انقلاب ، تاریخه نوار ، فیاض افکار وعد ایدر بر ماهیتده در . ذاتاً تاریخی تجمعاتده (رومانیتیک) ، (کلاسیک) ، (راسیونل) تعبیر ایدیلن طرزلرک چوقدن موده سی کچمش ، اون دوقوزنجی عصرک صوکلرنده ، آلمانیا (مومزن) ، فرانسه ده (آلبر - سورهل) کبی فضلانک همتلریله علمی مجراسی بولمشدی . قامیل ژولیانده بو حقیقی وادییه یوکسک ، فیاض بر انکشاف بخش ایتمشدر .

برطرفدن تاریخک تتبع طرزلی اصلاح ایدیلیرکن ، دیگر جهتندنده یاردیمی علملرک عدد و ماهیتی کیتدکجه یوکسلیور . تاریخک هر علمدن آزچوق استفاده ایتدیکی وباخصوص (علم آثار عتیقه) ، (علم انساب) ، (علم السنه) ، (کتابیات) ، (عنعات ومنقولات) ... کبی لری عادتاً تمل طاشلرینی تشکیل ایله دکلی معلومدر . صوک کونلرده بویاردیمی علوم میانته علم الارض ، جغرافیا ایله برابر برده بوکون حقنده بر آز معلومات ویرمک ایسته دیکمز (پایرولوژی) بویوک بر صلاحیتله داخل اولمشدر .

پارسیده آنجق دقتله سیاحت ایتیش اولانلر (پانتئون) . ایکی آدیم مسافه ده
 کان (سنت بارب) قولله ژینک مشتملاتندن بر دائره یه صیغمنش (l' institut de
 papirologie) بی طانیه بیلیر . زیرا پارس ادبیات فاکولته سنک بو محویتی کار
 شعبه سنک موجودیتله علاقه دار اولانلر پک آزدر . علمی و ذوقی بیک درلو
 مؤسسه مقرر اولان بو شهرده تاریخ ایله درین بر رابطه سی بولمیانلرک دقت
 نظرلرینی جلب ایدیه بیلرک آلاش ، عمیق بر سکون ایچنده چالیشان بو دائره ده
 یوقدر . مع مافیه قیمتی اوکره نوب ایچری یه داخل اولانلر اک معروف
 Egyptologue لرله Helléniste لری موسیو (pirre jouguet) نک ریاستی تحتند
 عمیق تبعات تاریخییه دالمش اولدقلری حالده بولور و بویوک بر حرمتله تماش
 ایدر . (شامپولیون) ک ، (ماربیت) ک ، (له ترون) ک ، (ماسپه رو) نک
 (شیلیمان) ک بو منور محترم معقلری ، نیل وادیارنده بولونمش بیکلرجه آثار
 و ابداتک قالین اسرار پرده سنی دلمسکه مشغولدرلر . بوغیور ذاتلر بعض قدیم
 منلر الله ایتک امیدیه بیکلرجه سنه لک (مومیا) لرک مزار ، و کفنلرینی بیلر بویوک
 ردقته تدقیق ایتیمکده در . بو نوع تحریرلر اولرله مؤلفلری مجهول آثار قدیمه نک پریشان
 یاراقلرینی ، اسکی مأمور و متعهدلرک تذکره و یوصله لرینی بخش ایدیورکه
 بوسایه ده (فرعونلرله) معاصرلرینک حیات و تشکیلاتلری حقنده الله ایتدکلری
 معلوماتی مؤلفلره تازه برر تتبع زمینی اوله رق تقدیم ایتک فرصتی قازانیورلر .
 قارئلریمه فکر آتماشا ایتدیرمک ایسته دیکم بو مؤسسه نک ایچنه کیرمه دن اول
 اسکی مصریلرک (پاپیروس) تعبیر ایدیلن واسکیدن نیل کنارلرنده یتیشن بر
 قامشدن اعمال ایتدکلری کاغدلردن بر آذربحت ایدلم ، (Cypéracées قاقاسیه)
 فصله سندن اولان (۲-۲,۵) متره ارتفاعنده یاراقسر مثالی الشکل ونهایی
 یلپازه واری آچلمش برشمیه ایله نهایت بولان بونبات ، برزمانلر اسکندریه
 شهرینک یکانه تجارت متاعی اولوب عالمه طومار طومار اخراج ایتدیکی غایت
 دایانقلی برکاغذک ماده اصلیه سی ایدی . اسکی عالمر بونباتک اوزینی برابره
 ایله ممکن اولدینی قدر اینجه واکلو دوغرارلر ، و بردوز لوحه اوزرینه اوج اوجه

ویان یانه دیزد کدن صو کره اوست اوسته قویدقلى مختلف طبقه لری یانیل و یا خود سوزلمش پیشمش خیر صویله یکدیگرینه یاشدیررلر . قورودقدن صو کرده چکیجلرله دوکدرک اینجلمکه چالیشیرلردی . بونلرک مهره لرله جلالاندیرلمش اولان نوعلری مرکبی ایچمه دیکندن یازی یازمق ایچین مقبول صایلمازدی (به لین) پاپیروس وثیقه لرینک رطوبت و کوفلرک تأثیراتندن مصون قالماسنی تأمین ایچین سروی یاغنه باتیرلدیغنی روایت ایدیور .

وقتیله عادی و بوش پاپیروسلر (۱۴) درمتره طولنده طومارلر شکنده صایلیرمش ؛ عرضلری ده علی الاکثر (۲۰ - ۲۵) سانتیمدن فضله اولمازمش ؛ (مبروون ژیین) سلاله سی زماننده فرانسه یه اخراج ایدیلن پاپیروسلر دری قابلا یچنده دفتر شکنده اولدیغنی شایان اعتماد مورخلر طرفندن ذکر ایدلمکده در . والحاصل اوتنجی عصر میلادی یه قدر مدنی دنیانک کاغده اولان احتیاجنه قارشى (پاپیروس) اخراجاتی مصر یلره خاص برامتیاز اوله رق دوام ایتمش ، نهایت پاچاورادن اعمال ایدیلن کاغدلر بونک یرینی طوتمشدر .

ایشته بومعلوماتی آلدقدن صو کره (پاپیرولوژی) مؤسسسه سی زیارت ایدر ، اوراده یاپیلان متعدد عملیاته عقل ایردیره بیلیرز .

بوراده مشغول اولان عالم ذاتلر ، یالکز اسکی مومیالری دکل بک واقفانه بر صورتده طولدیرلمش (تمساحلرک) بیله قارنلرینی دشمکده (رامزه س) ک (بطولومه) نک شیمدی یه قدر مجهول قالمش قیمتلی و نائقنی اورالرده بیله آرامقده در . بونلرک یومی وعادی مشغله لری بیله انسانی حیرتله دوشوره جک درجه ده مشقتلیدر . بو عصری و علمی کفن صویجیلر بر قاق یاپراق یازیلی پاپیروس آلد ایتک امیدیه مومبا صندوقلرینی آچیور ، باشدن آیاغنه قدر صارلمش اولان (باند) لری اسکی مصر یلرک قورقچ قدیدلری اوزرندن سو کیور هر طرفی بویوک بردقته معاینه ایدیور . اسکی ، یرتیق بر یازیلی پاپیروس پارچه سی یا قالا یا بیلن آق صاقلالی عالملرک چو جقجه سونجلیرینی کورمک عادت انسانی شاشیرتیور . بزه ایلك نظرده معده بولانتیسی ویرمکدن باشقه بر تأثیر یاپامیان بو علمی جوهر پارچالری اولا قاینار صویه آتیلیور بعده اوزرلرینه (حامض خل)

سریلیور . بویله جه کیمیا وظیفه سنی ایفا ایدنجه صره (پاپیرولوغ) لره کلیور . اوکلرنده یاتان ، بلکه اسکندر کیر ویا قله ئوپاترانک معاصری اولان ذاتک هوینی آکلامغه جان آتیورلر . بوچوق صیقنتیلی مشغله یه کیریشن ارباب علم ، بیک پارچه یه آیرلمش پاپیروس قیرنتیلرینی بر آرایه کتیرمک ، یاپشدرمق ، او قونور برحاله وضع ایله مک ایچین عام و فن و حق صنعت نامه حائر اولدقلری بوتون مهارتلی اورتایه دوکیورلر . هر پاپیروس پارچاسنک باشنده آلنده آینه بری ضیا سوق ایدن دیکری (لوپ) له معاینه ایله یین ایکی عالمی بی تاب بر صورتده مشغول کورمک ، اوجاق باشلرنده راحت راحت او قودینغمر علمی حقیقتلرک نه یه مال اولدیغنی بزه پک کوزل اثبات ایدیور .

مؤسسه رئیس (پییر - ژه ژه) ایله فاضل شا کردلرینک بومشکل مساعیسی کوسزدکدن سوکره بر آزده موفقیتلرندن بحث اتمه مه مساعدده ایدیکز که بو قدر امکلرک بهوده صرف ایدله دیکنه قناعت حاصل اولسون .

بومؤسسه ده شمدی بوغیرتلیک ثمره سی اوله رق میدانه چیقان پاپیروسلردن وجوده گلش بر کتبخانه واردر که جهانک خزینه لری بونک مادی قیمتته قابل ایدم من . محتویاتی میاننده (ژان لسکیه) ایله ، پاستور لیسوسی معلملرندن (قولارد) ک ثمره مساعیسی اوله رق قورتاریلان و تاریخک تنورینه چوق یاردیم ایتش بولنان (پاپیروس) طومارلری شایان ذکر در . هله (غره قو - رومن) دورنده یاشایان مصریلرک عادات و اخلاقه دائر پک قیمتلی معلوماتی جامع بولنان عمومی و خصوصی خزینه اوراقک کشفی تاریخ قدیم متوغللرینی سونجندن چیلدیر تاجق موفقیتلردندر . او قونوب قیمتی آکلاشلدقدن سوکره ایکی جام لوحه آراسه یاپشدریلارک مکملاً تحت محافظه آلنان بو وثیقه لرندن تشکل ایتش عجیب کتبخانه یی تاریخه اختصاص پیدا ایتک املنی بسلین کنجلر مطلقا زیارت اتمه لدر . مذکور مؤسسه ده بو علمی جوهرلرک آیریجه فطوغرافیک قوبیه لری ده شهر ایدلمکده در .

بو بحثی اکمال اتمه دن اول (Odyssee - اودیسه) نکده شمدی یه قدر

معلوم اولان ال ایله یازلمش اک اسکی قوپیه سنک ده بو شاه اثرلر میانده محفوظ بولندیغنی خبر ویره لم. بوقوپیه موسیو (jouguet) و آرقداش لری طرفدن (قاهره) یه یوز کیلومتره اوزاق بر موقع ده میلاددن (۲۲۵) سنه اول دفن ایدلمش بر (مومیا) نک کو کسندک کشف ایدلمشدر. یالکز اسکی یونان ادبیاتک بولایمون اثرینی ترجمه ایدن ذات (هومر) ک غایت اینجه لسانک بعض غوامضنه قنوذ ایدمه مدیکي روایت ایدیلورسه ده هر حالده اثرک تاریخی قیمته پایه اولامیاجنی میداندکدر. داها اینجه علمی وثائقله ثروتی هر کون برر مقدار تزیایدیدن بو مؤسسک تاریخی علمی نقطه نظرینجه حائز اولدیغنی قیمتی تماماً آکلاتمی امکانشدر.

قامیل ژولیانک تاریخی تبعلره آچدیغنی علمی چغره ، وبخصوص تاریخی یاردیم مقصدیله میدانه کلن بو مؤسسات بیلندکدن صوکره یکرمنچی عصرده مؤلف اوله بیلیمک نه دیمک اولدیغنی بر درجه آکلاشلمش اولور .

آرتق برایکی کتبخانه دولاشمیق ، اوچ بش مأخذ قارشیدیر لقله بو ایلی باشارمانک امکانشز اولدیغنی ایضاعه بيله لزوم یوقدر ظن ایدهرم . آکر بزده عصری مورخلره مالک اولمیق ایسترسک علمک هر دالنده آنسیقیلویه دیک معلوماتی قوتلی بر صورتده اکمال ایتمش ذکی ، چالیشقان ، وبخصوص تاریخی مراقلی کنجلی انتخاب ایتک ، علمی تأسیساتلرینی اوفق همتلره تقلید ایدیله میه جک درجه لره واردیر مش مملکتلره کوندرمک مجبوریتنده اولدیغیمیزی تقدیر ایتک لازم کلیر .

عبدالغیاصر ترفی